

海州文獻錄卷十五

州人許喬林編輯

雜綴錄

謹案唐志有拾遺錄析祥異軼事博物雜說四篇其例最善先師黎襄勤公嘗語喬林曰地志

有三戒戒附會戒俶詭戒瓌屑明人漢中府志

載木牛流馬法武功縣志錄織錦璇璣圖庀材

固佳而非志乘之體若酌用海州志例則善矣

喬林修東平州志時仿張貞杞紀朱彝尊曰下

舊聞之例立雜綴一門今亦用之別之為雜雖

海州文獻錄

卷十五

雜綴

一

虞初九百不妨攬拾從寬然近世說部如新齊

諧耳食錄柳崖外編之類所記海州異聞皆隻

字不錄獐園鬼董稗官之支裔耳於一方文獻

何與焉輯雜綴錄第十五

東海漁人近獲魚長五六尺腸胃成胡鹿刀槩之

狀或號秦皇魚唐段成式西陽雜俎

海州有胸山俗言胸山戴帽即雨蓋謂雲出覆冒

其上為雨候宋龔鼎臣東原錄

嘉祐中海州漁人獲一物身首如虎亦作虎文有

二短足在肩指爪皆虎也長八九尺視人輒下淚

昇至郡數日死父老云昔年曾見謂之海蠻師

宋沈

括夢溪
筆談

睢右卿海州鉅平人祖父以農桑爲業至右卿獨親於學作文賦詩爲鄉里稱道年甫二十娶同里房秀才女甚美而慧紹興辛未染疫疾而卒葬鬱州東山之阿睢素所憐愛殊不能堪月夕花朝未嘗不興念是歲冬與一僕往蒼山省親逼暮疲困到道傍莊舍遣僕就宿卽解鞍而入門扉半掩寂無人聲進抵中堂不聞煙火氣惟小僮汲水於庭下井坐久餒甚無由可辦食從僮求之僮入報俄

海州文獻錄

卷十五

雜綴

二

酒殽畢集一少婦裝飾華美斂容前拜與同席睢愕然細視之乃故妻也然不敢發問酒數行婦曰與吾夫相別累月痛念不曾忘睢方悽惶間喜於延納恍如醉夢中弗記其死歡媾如平生說畢就寢繾綣情通當晝亦迷戀遂一住十日不言去婦忽慘顏言我已別嫁人了君不宜處此睢始大悟猶與之惓惓共被熟睡旣覺則身與僕皆臥於巖之中榭榭之下嗟惋還鄉爲之修設水陸齋以資冥路竟快快成疾以死

宋洪邁
夷堅志

金大定八年蓋中國乾道戊子歲也海州守日牙

哥信用忠義人時其旺使出入門下面前張馬姐亦胡人面前者客前也言旺必叛不可畱牙不信未幾旺

果結楚州朱琪謀南歸中夜斬關入城欲殺牙牙走登高樓以避其銳張在傍呼曰不聽鄙言致有今日比曉旺以衆少別去其麾下張雄飛墜樓傷足爲馬姐所擒至於牙前雄飛心怨焉妄云張馬姐實招我牙已悔向者不采張言畏或漏露已必獲罪陰謀欲害之聞此語正投機會遂並斬兩人及事定牙晝坐郡齋聞有擊窗戶者疑其異物叱之曰是何鬼崇而敢來此空中應曰我是故面前

海州文獻錄

卷十五

雜綴

三

張馬姐昔日屢獻忠不見納後來事應當受重賞而反以爲戮旣訴諸陰府矣牙曰我命正旺可若何自是張形見於屏後二鬼隨之曰使君雖祿位尙旺我亦不離左右姑少待也牙頗懼屢醮謝之不退迨於死乃隱相去三年同上

余爲海州太守或云郡門外有魚戶飯店家一婦產鯉魚十四頭相續而出極爲痛楚生畢而斃魚獨無恙余初未之信臨行飲於天靈正見其夫作

齋呼來問之信然

宋錢功澹山雜志

呂洞賓先生多遊人間張泊家居忽外有一隱士

通謁乃洞賓名姓泊倒屣迎見之洞賓自言呂渭
之後四子温恭儉讓讓終海州刺史洞賓系出海
州房所任官唐史不載索筆作八分書七言四韻
畱與泊頗言將佐鼎席之意末句云成功當在破
瓜年俗以破瓜字爲二八泊年六十四卒乃其讖

也

宋陳鵠西塘
集耆舊續聞

政和初間治極之際地不愛寶汝海諸郡縣山石
皆變瑪瑙動千百塊而致諸輦下

宋蔡條鐵
圍山叢談

安漢將軍麋竺乃心道德苦無名師指點聞李阿
者居成都角上土窟中號百歲翁人往問事但以

海州文獻錄

卷十五

雜綴

四

顏色示人若欣然則吉慘戚則凶含笑有大喜微
歎有深憂如此候之百不失一人欲遠行速至往
求其術阿與一符並丹書兩腋下則千里皆不盡
日而還或有與論九州事阿說四方國土宮觀市
廛人未曾見聞者疑之耳聽未真眼見是實李阿
卽撮土作之城郭僅盈寸其中人物皆見須臾消
滅一旦忽去後復於成都市乞食人多爭與隨所
得多少盡施貧者夜去朝來莫知其蹤竺見阿作
事奇異毅然安頓家小獨辭孔明隨之學道阿知
其心誠引入青城先教延年之方竺自改名長生

敬事不懈罄傳其有晉興時阿忽謂竺曰吾被崑
崙敕召當應命汝居守此山常有仙眞聚會汝學
有進益也長生自居青城別洞修道

明徐衛
神仙鑑

秦孝王時道士周太賓善鼓琴能揮獨絃而八音
和麋長生隨李阿東遊聞太賓絕技因從而學琴

習成辭去

同上

嘉慶甲子唐陶山先生開城東河名曰甲子河得
古缶一名曰甲子壘與汪艾塘編修石楞緣舍人
吾兄石華先生聯句五言長律余賦五古百韻丙
寅春陶山先生移知崇川畱贈學正常熟翁潛虛

海州文獻錄

卷十五

雜綴

五

先生先生作七言古詩以謝其詩曰神仙鑄鼎埋
雲臺丹經古篆沈劫灰登高望氣不可見世間乃
有甲子壘東海使君好事者宣和博古矜風雅獨
攜此壘置座間配以漢符兼魏瓦憶昔闕逢困敦
年秦東門下醜川源掘泥一丈水波勇珠毬躍出
人爭喧千年舊物有精怪蟄龍守護質不壞外苞
苔蘚中含泉猶聽潮流響澎湃役夫輦來貢玉堂
拂拭沙土生光芒欲尋年歲無款識嘉名肇錫徵
嘉祥戊申納鼎古來有丁亥烝彝亦傳後披圖巡
洛甲子朝金石紀年傳不朽香凝燕寢開金樽雲

霞交契會高軒聯吟百韻浮大白從此聲價傾文
園昌黎石鼎古非律杜老銅餅尚簡質那似平分
八斗才千言燦吐生花筆使君拔爾自泥塗摩抄
三載如瑾瑜一朝移節海陵去獨將重寶胎窮儒
羽山黃能淮水蜃乘風攫拏布雲陣不須鎖怪乞
庚辰已入廟堂神力鎮上丁釋菜俎豆陳雞彝龍
勺希代珍捧登几筵酌元酒得與禮器交相親大
撓推策郜首定乙觚丁爵文可證古器常教傍古
人一壘何啻千金贈夏璣殷斝舊所聞魯壺紀甌
何足云挈餅有智當慎守願公譜入丹鉛文去年

海州文獻錄

卷十五

雜綴

六

饋棧蘇我病今年贈壘祈我命苦愁我未必延年
絳縣老人天錫慶紛紛俗眼不須論瑯卮羽觴醉

夢昏迷離那辨形模古卻笑田家老瓦盆

許桂林
琴想山

房筆
談

煙霞之契與登臨之緣自是兩事東坡晚年和陶
詩猶憶胸山舊遊有我昔登胸山出日觀蒼涼欲
濟東海縣恨無石橋梁句是東坡雖到胸山未到
蒼梧之顯證党竹溪集中多胸山詩無蒼梧詩惟
驛亭阻雨有雲暗蒼梧帝子愁句亦是詩中虛景
實未親到蒼梧近阮雲臺先生嘉慶壬戌撫浙時

節署有巨石高丈餘勢如夏雲初起卓立成峰凡
三十一穴移置澹凝精舍方池中用蘇黃壺中九
華倡和詩韻題之序云以余字字之曰雲臺峰以
余鄉本有雲臺山也其詩云雲臺海上有高峰何
曰爲雲上碧空隨我南來三竺外引人遊入九華
中臨池當戶堂堂見透月穿風面面通欲與石交
商一語那如鐵壁不玲瓏是時先生未嘗登雲臺
而於海東巖壑夙契之深如此壬申冬以漕運總
督閱兵海上駐節鳳凰城賦詩三章終未躋天門
而升清風頂也其詩曰雲臺山下結軍轅弓矢鉏

海州文獻錄

卷十五

雜綴

七

犁共一屯田已爲桑原是海營惟種柳半成村潮
頭沙影猶清淺月底巒光更渾淪認作家山安穩

住

自注山名
與余字合

今宵有夢到三元

自注峰頂
有三元宮

石臺高

處起朝暎殘雪平分嶺脊痕陣合呼槍連谷響射
回卷旆帶煙翻休因鯨戮成京觀遂遣鷹遊弛海

門爲語胸東諸部曲水仙容易有孫恩

自注昔年
蔡逆窺上

海此地鷹遊
門曾戒嚴

決河曾向郁州奔碧海渾波共吐吞

東去淮沂頻奪路西來蒙羽尙連根誰分賈讓三
條策得溯張騫萬里源若與黃流較原委此山遠
欲抵崑崙此則巡行之際皆關經世遠謨又不徒

煙霞高致山水勝情矣

同上

嘉慶庚午秋八月余遊雲臺諸山徧訪隋唐以來
石刻扁舟渡海舟行數里海氣澂清忽見水面有
巋然獨聳者舟人指曰先生有緣海中神碑見矣
促移帆趨碑下風輒引還終不得近波光浮動或
上或下彷彿碑與水俱行隱約有字迹遠不能辨
也遂回舟焉攷之地道記及水經注余之所見者
確爲秦碑無疑故記之並系以詩海上神碑望渺
然相傳疑信幾千年浪遊我獨分明見似許吳生

好古緣

吳振勳竹
厓消暑錄

海州文獻錄

卷十五

雜綴

八

木元虛海賦有陽冰不治陰火潛然語素問謂澤
中有陽燄注云陽燄如火煙騰起水面者楊慎丹
鉛總錄謂澤有陽燄乃山氣通澤今雲臺山下人
每於夏秋間見夜潮初上朱燉浮天望若繁星萬
點土人呼爲火星潮此潮至則鹽鹵倍濃亭戶掃
鹽者以爲旺產之候

吳振勳筠
齋客話

雲臺開山高僧當以無相爲首功無相名德證俗
姓謝氏山陽素封家明神宗中葉盡傾家財創建
三元宮以至東海防倭之城塔灣通津之渡亦蠲
貲修之時江淮大饑無相興此鉅役全活數萬人

用是名動宮禁慈聖太后賜紫衣法寶頒大藏全
經神宗御製序文加護敕焉齊魯藩王歲必遣官
齋香厚助功德其時雲臺附近寺觀無相次第修
整皆金碧雕華照耀巖谷顧乾山志謂雲臺自開
闢以來未經畚築至無相誠感檀越遐邇布施遂
爲人世蓬瀛與岱岳泰和無異洵爲禪林異人也
當時翼城王以文頌之謂佛以法華爲木鐸無相
能超然深悟雖古之道林楚金未之或先殆非虛
譽其佐無相開山者爲圓林圓松圓景圓福皆老
僧德連之弟子其後有果慶果滿戒律勤苦其徒

海州文獻錄

卷十五

雜綴

九

常數百人又有明玉明睿明空明鎮明璨輩能傳
無相衣鉢顧氏稱爲雲臺衆妙而德連與其師道
融皆登百歲道融之師淨善淨善之師清風本魯
王孫成化乙酉遊雲臺遂安禪於此今之青峰頂
實以清風得名也

同上

東海王羽卿

鳴鶴

以武進士試天下將才第一身

在諸邊三十餘年積功至都督挂征蠻將軍印鎮
粵東西加一品服生平歷大小數十戰每戰必勝
著有登壇必究帷間問答平黎紀事諸書未聞其
工詩也崔志載其登雲臺山與鷲峰禪僧夜話云

九月初回海上舟乘風東渡訪丹邱僧來共話消
塵想客至聯吟足勝遊海闊天高憑檻得日升川
至舉眸收半生傀儡知非是一宿禪房去欲畱詩
未入格當以其人存之同上

海州程子春治冢得菱花雙鸞鏡於鬱洲山下又
得銀釵一長盈尺繪圖徵詩陳雲伯先生謂地近
秦東門爲始皇立石處殆秦宮人故物也爲賦秦
宮人菱花雙鸞鏡歌其詞曰秦宮已化驪山煙秦
時明月今猶圓方鏡昔照宮女膽何似菱花六出
但照宮人顏秦之宮人誰最好明鏡熒熒曉妝曉

海州文獻錄

卷十五

雜綴

十

不見君王卅六年屬車隨處埋秋草程君家近古
大村其地近接秦東門秦皇駐馬親立石紅妝女
騎紛嬋媛鏡背雙鸞卽雙鳳疑聽秦臺玉簫弄一
匳入土二千年六宮往事春如夢君不見秦宮甌
渭流脂粉凝芳鮮俯視香姜掃銅雀南唐建業銘
詞鐫原注秦宮溝脂粉硯有建業文房印南唐宮中物也又不見秦宮瓦蘭
池榛莽霾荒野重瞳一炬阿房灰銅人清淚如鉛
瀉我昔得鏡長安中鏡背與此形摹同云是秦宮
之故物此語出自琅嬛翁君家得此珍秦璧更有
銀釵長一尺滕公石室共千年題詩更勒秦碑石

此鏡塵埋久矣得才子之筆頓覺秦時明月萬古
長圓鏡背雙鸞欲舞疑作節節足足之音亦雲臺

異日雅譚也

汪縉吟秋
館筆記

唐陶山先生建石室書院於前明東海所官廨故
址舊有大樹一株高出檐外殆千年物也土人呼
爲格樹陶山先生博稽載籍無此樹名許石華先
生引管子地員篇證之陶山先生乃作格木歌曰
吳剛日揮斧斧創隨手合格木當如丹桂精鋸痕
宛然噬而嗑十五年前定方中初營石室開東閣
降原陟巘憑青烏翦棘塗茨延白蓋屋學高人指

海州文獻錄

卷十五

雜綴

十一

扶疏市成博士聽鞞鞞嘉樹蔭百弓喬柯抱三匝
誰知修月勤翻嫌受風颯妄思運斤截半株更擬
安門啟左闔蛟虬螭略怒盤拏血雨乍濺雷鼓磕
匠人股栗走且僵觀者目眩神先嗒霜鏢深流虹
挂條黛皮立引霞補衲若非古木含真靈竟使庸
工得摧拉我觀地員篇載山之材再施有草兢薈
雜其木乃格與杞同呼土中羽鹹泉湑鬱林城下
蟠青龍都州浦中吠紫蛤南山大栲齊嶠嶸東海
樽桑共歆欲此木襟山負海長輪困閱世應經千
伏臘張忠文魏忠壯守土振振服韎韜乘潮禽寇

藏臃據嶺卻敵布渠答兩公相望屹棟梁大樹
將軍助合沓溜雨霾煙久沈淪拔地參天自騰踏
今爲文木興絃歌喜見菁莪効敷納葉懸蒼玉佩
實入瑪瑙榼樾凝翠靄橫軒窗采暎紅暎照几榻
從此染汁趨瓊林斷無厄閨愁白蠟我緣三宿戀
秋根于役重遊曳水靱館迎舊月侵綠苔闌倚晚
颺襲烏匱彈琴輒舞應樂鸞書壁羣飛添硯鴿詩
甚奇偉此樹得此詩可以翼雅訓而補羣芳之譜

矣

吳楷妙
臺墨影

陸放翁有嘲畜猫詩云甚矣翻盆暴嗟君睡得成

海州文獻錄

卷十五

雜綴

十二

但思魚鱗足不顧鼠縱橫欲騁銜蟬快先憐上樹

輕胸山在何許此族最知名

自注海州猫
爲天下第一

是海州

之猫在南宋時甲於天下近唐陶山先生在海州
時有狸奴詩云屋壁久而隙羣鼠穴爲溷我來新
置榻糞除積塵空縱橫几案閒牽引日相慫白晝
不畏人非擊未肯遜齧齧夜尤劇擾眠幾委頓呼
童聘銜蟬長不及五寸頗疑乳未充或爲鼠所困
豈知氣全吞不假力能健戶內竟寂然往往聞呿
噴食肉寢其皮狼如報讎恨點者猶潛藏窮搽無
滋蔓嘉爾騷除功勞以魚羹飯見陶山詩錄胸海

集中是今日海州之猫不亞於放翁所詠也

同上

海州鷹遊山高一千八十丈在東連西連二島間
爲出海門戶嘉慶丙子六月二十七日有琉球國

失風夷船至其地時知海州爲韓城師公

亮采

往

撫之其船首尾仄而中寬其人皆衣僧衣博帶垂
紳赤足繫木履似平底屐露頂挽髻施簪惟一人
年五十餘冠黃冠製如僧帽恂恂有儒者風舟載
米麥及彼國土宜其言莫能解授以紙筆黃冠者
能書自稱毛朝玉爲琉球國八品巡見官奉改俗
風差往琉球所屬之八重山三年期滿渡洋歸國

海州文獻錄

卷十五

雜綴

十三

遇颶風十五晝夜漂流至此朝玉暨親友僣從凡
十人操舟者十三人所攜米麥國之租賦也舟重
欲覆已棄十之六七其書得歐柳體時郡中行賓
興禮師公引朝玉諸人列坐廊廡下預宴觀禮爲
請於大府達諸閩附貢使船歸國板浦薛陔村繪
其像於衣襟各誌其姓氏曰明治道曰明治正曰
毛邦翼曰長顯宗曰夏林賢曰渡九地曰安里曰
仲里曰山陽長皆朝玉親友僣從也曰瑞慶曰屋
良曰金城曰興座曰仲宗曰高良曰新垣曰眞喜
曰宮城曰比喜曰前田曰知念曰系數則刺船之

楫師也錢梅溪泳題曰鷹遊登岸圖同上

張子湘山東人以鍼砭術遊於海州之新安鎮有難產者既掩棺張問其狀兼視所下血曰可活也啟而鍼之竟復生其他神異多類此然不取值人或爲之製衣送米偶一受之貧者終不取也間言休咎及歲之豐歉久輒驗人益神之晚邁篤疾其徒以藥進用桂附張不知也飲藥忽歎曰陰寒之證藥本相宜但我生平未娶不可服煖劑然此自有數沒後玉筯雙垂新安人謀於富紳汪瀛洲爲

肖像立祠額曰張山人祠金源仲
騫筆記

海州文獻錄

卷十五

雜綴

十四

米芾畫史載李公麟云海州劉先生收王羲之畫符及神一卷咒小字五斗米道也伯時只一見求摹不許其子居金陵與王荆公連袂陳元輿帥金陵余託訪之云久爲一貴人取去又卞永譽式古堂書畫彙考有海州吳通微書陰符經真蹟洵希世之寶今海州人家藏奔魏鄭公書大雅文王章朱子書大學序皆嘉禾項氏舊物

吳懷峴
耕筆談